

援
鶉
堂
筆
記

援鶉堂筆記卷第三十四

史部

五代史

陳師錫五代史序按陳師錫字伯休

一作補

建安人熙寧中廷

試第三調昭慶軍掌書記歷考功員外郎徽宗朝拜殿中侍御史出知穎廬滑三州坐黨論削官安置郴州卒紹興中贈直龍圖閣東坡薦師錫疏云德行追蹤于古人文章冠絕於當代本傳載之王伯厚困學紀聞載師錫諫徽宗宣取秘書省圖畫之奏歎徽宗不能置其言于左右其奏亦具本傳向之滔天巨滑搖毒煽禍以害斯人者蹈鼎鑊斧鑕之不暇按藝祖篡竊無異石晉劉郭其諸方各據一皆承其先業所云滔天巨滑未詳指何等也

徐無黨注按皇祐五年歐公與梅聖俞書云閒中不能作文字祇整頓了五代史成七十四傳不敢多令人知至和三年與徐無黨書云五代史昨見曾子固議今卻從頭改換未有了期又云仍作注有難傳之處蓋傳本固未可不傳本則下注尤難按此數語未詳余疑今之注公自爲之託名無黨也歐公在夷陵與尹師魯書云開正以來始以無事治舊史前歲所作十國志蓋是進本務要卷多今若變爲正史盡宜芟削存其大要至於細小之事雖有可紀非干大體自可存之小說不足以累正史數日檢舊本因盡芟去矣師魯所撰在京師時不曾細看路中昨來細讀乃大好師魯素以史筆自負果然河東一卷大妙修本所取法此傳爲最此外亦有繁

簡未中願師魯亦芟之則盡妙矣正史更不分五史而通爲紀傳今欲將梁紀并漢周修且試撰次唐晉師魯爲之如前歲之議其他列傳約略且將近代功臣隨紀各自撰傳待續次盡將五代列傳姓名寫出分而爲二分手作傳不知如此于師魯意如何蓋公舊約師魯共爲之而公後獨成此書也

梁太祖本紀 天祐三年遂攻滄州軍于長蘆按長蘆疑在今青縣今滄州西北四十里有長蘆廢縣

開平元年契丹阿保機使袍笏梅老來按遼史國語解有梅里云貴戚官名此袍笏梅老及唐莊宗紀同光四年契丹使梅老鞋呈疑卽梅里四裔字恐無正音

末帝紀 貞明六年秋七月陳州妖賊母乙自稱天子按通

鑑陳州末尼反立母乙爲天子按末尼卽今之回回教舊唐書武宗會昌三年制回紇及摩尼寺莊宅錢物並委功德使以御史臺及京兆府各差官點檢收抽又云摩尼寺僧委中書門下條奏大歷六年回紇請荆揚等州置摩尼寺

龍德三年冬十月甲戌宣義軍節度使王彥章及唐人戰于中都按中都今汝上縣

唐莊宗本紀 居之定襄神武川之新城按新城在今朔州之西

克用遣周德威出青山口遇從周于張公橋按張公橋在邢州龍岡縣界

置酒三垂岡按今潞城縣西南二十七里有三垂山

梁謝彥章軍于楊劉十二月攻楊劉按通鑑胡三省注楊劉

鎮在鄆州東北東阿縣臨河津

唐憲宗十三年

又同光元年五月己

巳王彥章段凝攻楊劉注時莊宗在澶州距楊劉二百里

按樹

莊宗紀無之此見王彥章傳亦無日月此通鑑文及注耳

八月大閱于魏合盧龍橫海昭義安國及鎮定之兵十萬馬

萬匹軍于麻家渡按胡朮明禹貢椎指又北播爲九河句下

唐時澶州清豐縣界有馬頰河余疑卽此麻家聲近而誤名

耶

謝彥章軍于行臺十二月進軍臨濮梁軍追之戰于胡柳按

旣云進軍臨濮何以云梁軍追之時軍于濮州北行臺村聞

晉王起師趨汴故梁賀瓌亦棄營而踵之胡柳跋在濮州西

臨濮縣界今州東北三十里臨濮故城在州南七十里

晉軍大敗周德威死之梁軍暮休于土山按今南樂縣方山村舊有東西土山並峙豈卽土山耶

晉軍復擊大敗之遂軍德勝爲夾寨按夾寨今大名府清豐縣

同光元年丁丑取曹州己卯滅梁按曹州至大梁二百四十餘里

廢帝紀莊宗呼其小字曰阿三不徒與我同年其敢戰亦類我按廢帝崩于清泰三年丙申年五十三莊宗崩于同光四年丙戌年四十三則皆生於中和四年甲辰

晉出帝紀論追封皇伯敬儒于晉家人傳又申論之其有感

于濮議而發邪

晉皇后李氏傳 虜人迫帝與太后拜阿保機畫像帝不勝

其辱泣而呼曰薛超誤我不令我死又行五六日過海北州

至東丹王墓按遼地理志顯州顯陵者東丹仁皇王墓也仁

皇王性好讀書不喜射獵購書數萬卷置鑿巫閭山絕頂築

堂曰望海山南去海一百三十里大同元年晉開運三年十

四年改世宗親護靈駕歸自汴京突厥爲唐廢帝所以仁皇

王愛鑿巫閭山水奇秀因葬焉

陁虜地尤高涼虜人常以五月上陁避暑八月下陁按此陁

當在上京之西北又按遼營衛志秋高違寒春夏避暑隨水

草就畋漁歲以爲常四時各有行在之地謂之捺鉢夏捺鉢

無常所多在吐兒山懷州西山

太后自馳至霸州按此霸州遼之興中府漢柳城縣地

徙帝及太后於建州按遼之建州保靜軍唐武德中置昌樂縣太祖完葺故壘置漢州乾祐元年故石晉太后詣世宗求于漢城側耕墾自贍許于建州南四十里給地五十頃營構房室創立宗廟州在靈河之南按靈州卽今之大小凌河也周世宗三皇后傳 皇朝乾德元年熙謹卒熙讓熙誨不知所終按宋史理宗紀淳祐九年詔周世宗八世孫柴彥穎補承務郎襲封崇義公王銍默記云藝祖自陳橋擁戴入城周恭帝卽衣白襪乘橋子出居天清寺

天清世宗節名而太祖寺其功德院也

入六宮迎拜有二小兒牛角者宮人抱之亦拜詢之乃世宗

二子紀王蘄王也太祖顧諸將曰此復何待左右卽提去惟
潘美在後以手搯殿柱低頭不語藝祖曰汝以爲不可耶卽
命速退以其一人賜美美卽收之以爲子其後名惟正者是
邪按王銍之言未必確葉夢得避暑漫錄云太宗廟寢殿夾
室有誓碑其辭三行一云柴氏子孫有罪不得加刑逆謀止
于獄中賜盡不得市曹刑戮亦不得連坐支屬一云不得殺
士大夫及上書言事人一云子孫淪此誓者天必殛之凡新
天子卽位謁廟禮畢讀誓詞僅小黃門不識字者一人從羣
臣近侍皆不知所誓何事靖康之變門洞開人得縱觀乃見
之樹按紀王熙謹
蘄王卽熙詢也

梁家臣劉鄩傳末帝恐魏兵亂遣鄩以兵屯于魏縣按九域

志魏縣在魏州西三十五里

鄆以晉兵悉從莊宗赴魏而太原可襲乃結草人于城上而潛軍出黃澤關襲太原至樂平遇雨不克而還按魏書地形志樂平郡遼陽縣有黃澤嶺隋改遼陽爲遼山又按通鑑云會陰兩積旬日黃澤道險堊泥深尺餘士卒攀藤葛而進

唐家臣郭崇韜傳贊余讀梁宣底按沈存中筆談云唐故事中書舍人職堂語詔皆寫四本一本爲底一本爲宣此宣謂行出耳未以名書也晚唐樞密使自禁中受旨出付中書卽謂之宣中書承受錄之于籍謂之宣底今使館中尚有故宣底二卷如今之聖語簿也又按唐志詔令有王起寫宣十卷魏禧嘗著論言歐公之論狄武襄涉枝害乃深文非君子之

心也然公此贊所云亦素有不平于武臣者邪

是時莊宗軍朝城段凝軍臨河按河疑濮之譌臨濮見前謝
彥章條下

烏震傳代房知溫戍于盧臺軍胡三省通鑑注盧臺軍臨御
河之岸周建乾寧軍東至滄州百里西至瀛州七十里按此
宋之清州今青縣于唐疑歷亭記考樹按唐未置乾寧軍宋
太平興國復置今河間
府

傳贊歐公此贊義全語當可謂權于天理而不可易者矣

張憲傳從事張昭遠教憲奉表以勸進按宋史張昭傳昭謂
憲曰得毋奉表觀望爲自安之計乎憲曰我本書生云云昭
曰此古人之志公能行之死且不朽相泣而去憲遂死之疑

宋史爲得其實故謂昭能成憲之節

樹按錢氏養新錄同時有兩張昭一濮州人卽

張昭也一滄州人
凝之子皆有傳

晉家臣桑維翰傳乃出延廣于河南拜維翰中書令按胡氏
春秋傳云晉出帝復拜桑維翰中書令之日下一詔書十五
道節度使莫不聽命見閔二年鄭棄其師傳又按通鑑桑維
翰兩秉朝政出楊光遠景延廣于外至是一制指揮節度使
十五人無敢違者時人服其膽略

周家臣扈載傳載字仲熙北燕人也按宋史扈蒙傳云幽州
安次人載蒙之從弟安次今東安縣

死節臣劉仁贍傳遂徙城下蔡按下蔡在今壽州北三十里
一行李自倫傳正門闊閱一丈二尺烏頭二柱端冒以瓦桶

按漢書車千秋傳又無闕閱功勞史記高祖功臣年表明其
等曰闕積曰曰閱又程大昌演繁露云柱相去一丈柱端安
瓦桶墨漆號曰烏頭

唐六臣楊涉傳祖收唐懿宗時宰相父嚴官至兵部侍郎按
唐書嚴收之弟非父子也宰相世系表亦曰兄弟公爲史乃
自誤邪

伶官傳論晁公武論吳縝五代史纂誤云通鑑考異證歐史
差誤如莊宗還三矢之類甚眾今縝書皆不及惟證其字之
脫錯而已余檢通鑑考異無其文蓋考異有全書而今附注
於通鑑下者或芟略之也按劉仁恭父子未嘗事梁又克用
爲燕攻潞州以解梁圍迨守光之立克用之卒未有交兵事

又契丹傳云晉王憾契丹之附梁臨卒以一箭投莊宗期必滅丹則云滅燕還矢事虛也想考異不過有疑於此然公云世言想別有本又不載之傳記而虛寄之於論以致慨又何害也

宦者傳余疑公初本以張承業別自爲傳後以其宦者也雖賢而別無可附因置之于前兼及張居翰而以召禍啓亂者敘于後以爲取善而戒惡故其篇章有聯絕割屬之跡而無精神融液之妙以此思太史公述作如神山仙闕矣

孟漢瓊 按周顯德元年殺左羽林大將軍孟漢瓊又一人雜傳王鎔傳梁太祖怒鎔願謂葛從周曰得鎮州以與爾爾爲先鋒從周至臨城按臨城屬趙州本房子天寶元年更名

天祐二年更曰房子

羅紹威傳北遷爲魏州貴鄉人按貴鄉唐時魏州之第一縣
今入大名縣界內

魏兵從至滄者行至歷亭按歷亭今河間府故城縣

趙犖傳犖語其下曰吾家三世陳將按張安道知陳州日令
民夷嘉應侯陳太尉廟而祀犖

張全義傳全義輒蒐卒伍鎧馬月獻之以補其缺按宋史陶
穀傳載梁貞明丁丑歲張全義獻人甲馬具裝

孫方諫傳初定州西北有狼山堡按狼山堡卽今之郎山

折從阮傳按後書方術傳有折象從阮子德展及孫御勳御
卿事具宋史

李琪李珽傳太祖幸河北至內黃顧珽曰何謂內黃珽曰河南有外黃下黃故此名內黃太祖曰外黃下黃何在珽曰秦有外黃都尉在今雍邱下黃爲北齊所廢在今陳畱按下黃據前漢志續漢志當作小黃隋志云後齊廢小黃入陳南史梁宗室傳有上黃侯庾信集有代梁上黃侯與婦書上黃未知在何地隋志不及

明宗初卽位乃詔羣臣五曰一隨宰相入見內殿謂之起居琪以爲非唐故事請罷五日起居而復朔望入閣云云然唐故事云云按此段故事歐公蓋與劉原父參詳而得之者見歐集七十卷問劉入閣儀帖中小字注疑卽原父條疏公問語也刊集者不知誤爲公之詞又考宋史禮志及宋庠傳較

歐劉之說尤詳庠傳言寶元中仁宗嘗論及唐入閣儀庠退而奏曰入閣乃有唐隻日子紫宸殿之儀也唐有大內又有大明宮宮在大內之東北世謂之東內高宗以來天子多在大明宮宮之正南門曰丹鳳門門內第一殿曰含元殿大朝會則御之第二殿曰宣政殿謂之正衙朔望大冊拜則御之第三殿曰紫宸殿謂之上閣亦曰內衙隻日常朝御之天子坐朝須立仗于正衙殿或乘輿止御紫宸卽喚仗自宣政殿而入門是謂東西上閣門也以本朝宮殿視之宣德門唐丹鳳門也大慶殿唐含元殿也文德殿唐宣政殿也紫宸殿唐紫宸也今欲求入閣本意施于儀典須先立仗文德庭如天子止御紫宸卽喚仗自東西閣門入如此則差與舊儀合但

今之諸殿比于唐制南北不相對耳又按唐自中葉以還雙日及非時大臣奏事別開延英殿若今假日御崇政延和是也乃知唐制坐朝日卽爲入閣其後正衙立仗因而遂廢甚非禮也右見宋庠本傳而禮志尤詳又張洎傳但言至德後事亦可參攷又程泰之雍錄亦有說記詳

崔稅字子文深州安人也按宋史張昭傳天福五年以唐史未成詔昭與呂琦崔稅等續成之

李崧傳崧恚曰天下豈有不死之人邪乃自誣服族誅按陶穀嘗謂李崧之死已晚見宋史本傳

賈緯傳緯爲維翰傳言維翰死有銀八千錠按宋史王欽若受河陰尉任懿賂與登科事銀欽若傳云銀三百五十兩洪

湛傳云銀七錠是一錠爲五十兩矣

南唐世家李昇字正倫徐州人按南唐主名昇非昇當時猶

以金陵爲昇州

樹按汲古諸本及南唐書皆作昇無作昇者玉篇昇皮變切明也又昇立改元昇元足知

非名昇矣

南漢世家自隱始亦自立按始下疑有脫字亦自立蓋指曲

顯諸人也

四夷附錄

契丹自後魏以來名見于中國其居曰梟羅箇沒里沒里者

河也是謂潢水之南黃龍之北

唐書亦云居潢水之南黃龍之北

得鮮卑之

故地當唐之世其地北接室韋東鄰高麗西界溪國而南至

營州

按此卽今之遼陽州明一統志遼東衛幹羅山在城東北
五百里大梁水發源于此水經注大梁水出北塞外疑所
云梟羅箇沒里者卽幹羅河 又注濡水下云盧龍東越
清陘至凡城二百許里自凡城東北出趨平岡故城可百
八十里向黃龍五百里 又注遼水下已有黃龍城 又
唐書北狄傳安祿山討契丹大戰潢水南 遼志武安州
唐沃州地太祖俘漢民居木葉山下西建城以遷之號新
城復以遼西戶益之更曰新州統和八年改今名有黃柏
嶺梟羅水箇沒里水 樹按此潢水之南有梟羅箇沒里水乃契丹始居歐史唐書言俱明至阿保機所保漢城新州當唐沃州地乃後日所謂中京者又遼志云有梟羅箇沒里水似誤抑或此水流逕至此耶 又
遼史太祖紀太祖所崩行宮在扶餘城西南兩河之間後

建昇天殿于此而以扶餘爲黃龍府按此黃龍疑在今之
開原然去上京不及千里又晉家人傳云出帝與太后自
平州出榆關行七八日至錦州又行五六日至海北州又
行十餘日度遼水至勃海國又行七八日過南海府至黃

龍府

疑非所云黃龍之北

是歲六月又徙于懷密州去黃龍西北一

千五百里行過遼陽二百里國母

樹按卽述律

爲永康王所囚

永康王遣帝與太后還止遼陽按此黃龍府又在遼陽之

東北與酈注及遼紀所云黃龍又遠矣 又明一統志遼

東衛云大寧城在城北潢水之南漢新安平地唐貞觀中

置饒樂都督府遼曰中京金曰北京皆建於此按遼史云

聖宗嘗過七金山土河之濱南望雲氣有城郭樓闕之狀

因議建都統和二十四年五帳院進奚王牙帳地二十五年城之實以漢戶名曰中京是則去阿保機之初已百餘年且云奚王牙帳之地其非契丹之故居明矣 又遼志

中京大定府秦之遼西漢新安平縣漢末步奚居之

奚亦踰

之後曹魏太祖所斬者 幅員千里多大山深谷阻險足以自固魏武

一尋上脫 北征縱兵大戰降者二十餘萬去之松漠

隋志又云爲慕

容所破遁 其後拓跋氏衰遼建牙於此當饒河水之南温

居松漠 渝河水之北

樹按據此遼黃龍之居有三一初居一爲阿保機保漢城所居一爲統和所建諸史傳記

多混以

一之 通鑑九十六卷咸康七年燕王皝使楊裕築城于柳城之

北龍山之西立宗廟宮室命曰龍城

東樹按龍城之名已見史記漢書匈奴傳

歲正月小會單于庭祠五月大會龍城祭
其先天地鬼神又衛青出上谷至龍城

唐書營衛志柳城郡下云城西四百八十里

按此即今

今之山海關

又云柳城西北接奚北接契丹有東北鎮醫無閭

山又東有碣石山按柳城當在今義州錦州之南而碣石
雖有數處大約在其西南云東疑誤且去此亦遠矣 通
典柳城郡下云北至契丹界五十里西北到契丹界七十
里東北到契丹界九十里

遼史興中府古孤竹國漢柳城縣地慕容皝以柳城之南
福德之地乃築龍城構宮廟改柳城爲龍城縣而遷都之

號曰和龍宮

樹按見兩龍相鬪射而和之故曰和龍

慕容寶復居之

史作垂誤後

爲馮跋所滅魏取爲遼西郡唐武德初改爲營州總管府

尋爲都督府萬歲通天元年陷于李萬榮神龍初徙府幽

州開元四年復治柳城八年徙漁陽十年還柳城後爲奚

所據太祖平奚及俘燕民

樹按卽所謂漢人劉仁恭幽州之民

將建城命韓

知方擇其處乃完葺柳城號霸州彰武軍節度 重熙十

年

樹按遼興宗年號重熙在位二十四年

升興中府統州二縣四其一興中

縣本漢柳城縣地太祖掠漢民居此置霸城有太華山少

華山香高山麝香巖天授皇帝刻石在焉

樹按世宗號天授大約遼人葬

皆刻石碑後云德光葬阿保機木葉山 諡曰大聖皇 又明

帝遣使聘唐求碑石爲阿保機刻銘在此刻石先

一統志復州衛遼爲遷民縣後置復州

夢溪筆談云昔人文章用北狄事多言黑山在大幕之北

今謂之姚家族有城在其西南西有連山謂之夜來山契

丹墳墓皆在山之東南麓近西有遠祖射龍廟

其部族之大者曰大賀氏後分爲八部

按遼史營衛志則此八部乃遙輦氏之八部也云唐開元天寶間大賀氏旣微遼始祖涅里立迪輦祖里爲祖午可汗卽故有族眾分爲八部涅里所統迭刺部自爲別部不與其列迪輦阻里唐賜姓李名懷秀者也又云涅里阻午可汗分三耶律爲七部大遙輦析爲六而世里合爲一涅里一作泥里一作雅里阿保機之始祖

某部大人遙輦氏次立時劉仁恭據有幽州數出兵摘星嶺攻之

按是時遙輦氏立者爲痕德堇可汗

按薛史作沁丹

八部之人以爲遙輦不任事選于其眾以阿保機代之阿保機亦不知爲何部人也

樹按阿保機薛史作安巴堅

按阿保機迭刺部遼史蕭翰家傳

樹按遼之蕭姓始于李崧爲阿鉢製姓名曰蕭

翰其後遂蒙爲世姓

天皇王之考夷离堇的魯按天皇王卽阿保機

夷离堇國語解云管兵馬大官阿保機之父重熙後冊爲德祖者也

阿保機乘間入塞攻陷城邑俘其民人依唐州縣置城以居之謂諸部欲以所得漢人自爲一部以治漢城漢城在炭山東南樂河上有鹽鐵之利乃後魏滑鹽縣也阿保機率漢人耕種爲治城郭邑屋市廛如幽州之制

按炭山卽水經注沽水發源丹花山今世謂之丹山者也

炭與丹音誤耳沽水與濡水下流俱合故亦云沽水爲灤水也明一統志灤河在雲州堡北六十六里發源炭山水并亂泉合爲此河北源經古桓州南下流入開平界鄭思肖心史云蒙古素以歲二月往陘山避暑八月還幽州陘山又名炭山在幽州西北八百里地坐水鄉金人舊避暑之地升開平府按此乃元之上都在今多倫諾爾之西北炭山值其南爲上都河之源而其下爲灤河皆鄭注之濡水也濡水已見上而阿保機所欲居之漢城疑卽今之熱河樹按宏簡錄本傳敘所著書無心史又按今丹山在獨石之西而鄭思肖以炭山爲陘山則炭山在元上都也恐未可據俟更考水經注沽水云大榆河東南流經滑鹽故城東王莽更名匡德

漢明帝改曰鹽田水世謂之鹽城西北去禦夷鎮二百里南注鮑邛水 又按魏書地形志無滑鹽水經酈注鮑邛水下逕安州舊漁陽郡之滑鹽縣余疑今熱河爲西漢之漁陽而滑鹽在其西在潮河之上也

阿保機多用漢人漢人教以隸書之半增損之作文字數千乃僭稱皇帝自號天皇王以其所居橫帳地名爲姓曰世里世里釋者謂之耶律名年號曰天贊以其所居爲上京起樓其間號西樓又于其東千里起東樓北三百里起北樓南木葉山起南樓

東樹按據此則遼志言俘漢民居木葉山有泉羅箇里水者與其始居潢水之南黃龍之北相

乘唐書歐史遼志必有一誤也

往來四樓之間每朔旦東向拜日以東向爲

尊四樓門皆東向

東樹按虜庭雜記文與歐史悉同今不錄

前燕錄慕容廆大興四年作東樓遼志龍化州與國軍本

安北平縣地契丹始祖奇音可汗居此稱龍庭太祖干

此建東樓又云天顯元年崩于東樓樹按後云述律按龍

化州疑在今開原之西南與遼陽近

遼史國語解遼有四樓在上京者曰西樓木葉山曰南樓

龍化州曰東樓唐州曰北樓按遼史無唐州據歐史則上

京之北也

遼上京乃在明所棄之大寧衛之地前云漢城在滑鹽往

齊次風云今之熱河漢之滑鹽然則阿保機先居上京後

居漢城既滅諸部仍居上京與

通鑑二百七十卷貞明三年注引薛史云西樓距幽州三

千里

東樹按先生時薛史尚未刊行人間少傳本故引通鑑也

莊宗崩明宗遣姚坤告哀于契丹坤至西樓而阿保機方東攻勃海坤追至慎州見之

按慎州唐靺鞨州之一

德光遣秃餒煎刺等以騎五千救都

按左昭二十年季煎因之釋文仕側反煎刺又見呂琦

傳

阿保機死長子東丹王突欲當立諸部希述律意共立德光即羅突欲自扶餘奔唐明宗因賜其姓爲東丹更其名曰慕屈之華後賜姓李以其來自遼東乃以瑞州爲懷化軍拜慕華節名贊華度瑞慎等州觀察處置使

按唐志羈糜州瑞州本威州貞觀十年以烏突汗達干部

置在營州之境咸亨中更名後僑置良鄉之廣陽城 慎

州武德初以涑沫烏素固部落置僑置良鄉之故都鄉城

莊宗之末趙德鈞鎮幽州于鹽溝置良鄉縣

樹按歐史此段距幽州北七百

里有榆關云云至由是幽薊之人始得耕牧而輸餉可通指次如畫當熟誦之

按二漢及晉並有良鄉

德光乃西徙橫帳居揆刺泊出寇雲朔之間

按遼史國語解德祖族屬號三父房稱橫帳宗室之尤貴者

翰林學士張礪進擬延壽中京大丞相錄尚書事都督中外諸軍事

按此謂鎮州爲中京也其後遼聖宗城奚王牙帳實以漢戶號曰中京則今奉天之遼陽矣

胡嶠北行記自幽州西北入居庸關明日又西北入石門關按此居庸之石門

又三日至可汗州

按宋史地理志媯州唐置石晉以賂契丹契丹改爲可汗

州東樹按唐貞觀八年改北燕州爲媯州今宣府鎮懷來州衛是前阿保機攻破新州今之保安州是唐末以媯州增置新州領永興等四縣

西北行五十里有雞鳴山

雞鳴山在今保安州見水經注溫水下卽摩笄山非唐時名

又四日至歸化州

按據唐志當作歸化郡本彈汗州貞觀二十二年以內屬契丹別帥析紇便部置宋志歸化州舊毅州後唐改爲武州石晉以賂契丹契丹改爲歸化州

樹按唐末幽州鎮增置武州領文德縣今

宣府鎮是也

又二日至湯城淀

按湯城淀疑今哨鹿所之東溫泉

遂及述律戰於沙河

按今由廣寧至瀋陽有沙河

自上京東去四十里至眞珠寨

按上京疑在今翁牛特之南

松林鬱然數十里

按松林疑卽今松嶺

嶠等東行過一山名十三山

按十三山在今錦州明一統志云十三山在廣寧右屯衛

城北三十里亦引胡嶠北行記據此去幽州數百里而近

云二千里虜迂其里以欺南人也

樹疑晉出帝與太后所行亦虜故迂其里以欺

之也

遇雨則張草爲屋常作鹿鳴呼鹿而射之食其生肉能釀麋

爲酒

按此卽今時所傳索倫哨鹿之戲

西南至儒州

按唐地理志儒州本西鹽州故後魏洪河郡之藍川縣地
今延慶州

于闐國傳又西百里出玉門關

按此今之玉門關漢之玉門關在沙州西北

宋史

太宗嫁女於柴崇慶崇慶爲禹錫之孫而升其行爲禹錫子
眞宗嫁女於李遵勛遵勛爲崇矩之孫而升其行爲崇矩子
哲宗嘗以爲非見本紀按太宗時禮制如此蓋爲公主不降
禮于舅姑可謂悖矣

汪伯彥傳言張浚爲伯彥所引紹興四年帝追贈陳東歐陽
澈因舍人王居正論伯彥潛善不已禡職七年帝謂輔臣元

帥舊僚往往淪謝惟汪伯彥寔同艱難朕之故人無幾宜其
牽復秦檜張浚曰臣等已議日郊恩取旨更得天筆明其舊
勞庶幾內外孚信則魏公之人可知矣

強淵明傳淵明與兄浚明及葉夢得締蔡京爲死交立元祐
籍分三等定罪皆三人所爲又毛注疏蔡京以葉夢得爲腹
心交植黨與

鄒浩傳附田畫畫字永君陽翟人樞密使况之從子淮陽人
祀以爲土神者歐集有送田畫秀才序言其祖取蜀平江南
之功當屬田欽祚之後按孟蜀世家太祖西伐有供奉官田
仁朗充濠砦都監宋史田仁朗田紹斌有傳無取蜀平南唐
功又附王回字景深仙游人則亦與深甫同名者

徐樛傳無一事涉于儒林僅有少暮伊洛之學六字蓋宋史之可笑如此

程師孟載列傳九十五卷又入循吏

金史

宇文懋昭大金國志言大定 年四月三日金主與太子諸王在京苑賞牡丹習王允猷賦詩以陳和者十五人完顏偉兀朮探知其意直前頓首言曰國家君臣將帥皆以勇力戰爭雄略故能滅遼滅宋混一南北諸蕃畏懼自近年多用遼宋亡國遺臣以富貴文字壞我土俗先臣昔在順昌爲劉琦所敗便歎用兵不如天會時皆是年來貪安爲人所侮今皇帝旣一向不說著兵使說文字人朝夕在側遺宋所傳之主

是有志報復今矇骨

樹按疑即蒙古

不受調役夏人亦復侵邊陛下

舍戰鬪之士謂其不足與語不知三邊有急把作詩人去當得否金主默然左右皆駭目相顧知內省事余萬福向前扶之曰皇帝方歡飲郎君作苦惱人邪扶起去之自是文武分黨如冰炭矣按此金史傳中亦載之然卻是當時至論金之亡也未始不以虛慕文章至于弛備偷安參于富貴聲利之場以致淪滅也

樹按此有國有家者千古龜鑑至于宰相用讀書人又別一義然亦非以浮華文士當之也

賈益謙云海陵被弑而世宗立大定三十年禁近能暴海陵過惡者皆得美仕史官修寔錄誣其淫毒狠鷲遺恨無窮自今觀之百可一信邪然則金亮尚蒙厚困是知趙逸未死爰

知符生之誣李仁尚存用辨歸命之酷史之不信久矣

樹按史通

曲筆篇昔秦人不死驗符生之厚誣蜀老猶存識葛亮之多枉又按如同馬氏之暴高貴鄉公及齊王芳之淫惡亦與此也

明史

洪武三十五年

樹按蓋實建文四年

十月己未命修太祖實錄又本月

庚申載與修實錄官之諭据其言則太祖實錄乃方希直等所纂述

永樂元年六月辛酉監修國史太子太師曹國公李景隆等總裁官翰林侍讀學士解縉等上表進太祖實錄十六年五月夏原吉楊榮等進太祖高皇帝實錄御奉天殿受之披閱良久嘉獎再四曰少副朕心據此則是太祖實錄曾經三修

東樹按汲古閣藏書目錄明實錄三
百五十九冊洪武附建文四十六冊

實錄元欲修好遣張昶航海至慶元方國珍遣檢校燕敬來
告上不之答國珍懼乃送昶于福建平章燕只不花所時左
丞王溥在建昌以聞上命溥招之來且命符璽郎劉紹先候
之于廣信昶至上問其所以來昶俛首無一言上不欲窮詰
命中書館之時召問以事知其才可用遂畱之按元遣張昶
至乃察罕帖木兒破山東江淮震動太祖遣使通好元乃遣
昶及馬合謀浮海如江東授太祖榮祿大夫江西等處行平
章事甫至而察罕爲王士誠刺死太祖遂殺馬合謀而畱昶
官之今實錄云云疑此等皆永樂三修實錄之所改也豈有
千里航海而來遣人招而俛首無一言者乎且欲通好而何

爲遜畏如此史筆謬妄如是亦可笑也

術家言明太祖年月日時皆辰按實錄太祖生天歷戊辰九

月十八日丁丑其日未推而月時皆非辰也

樹按據錢受之寶錄辨證戊辰

年九月壬戌十八日丁丑未時先生誤以丁丑爲時

洪武四年二月載奉先殿常用祝文其聖壽祝文曰季秋十有八日寶元璋戊辰年初生之辰又按陶凱傳載乾清宮左建奉先殿

洪武實錄云元年己亥四月俞通海擊敗陳友諒將趙普勝於樅陽獲其軍校趙牛兒等及其船艦乘勝追殺敵眾遂復池州是時上親征浙東方以樅陽爲憂及捷至大喜太祖本紀夏四月俞通海復池州按此當至正十九年事卽徐達傳

所云太祖自將攻婺州命達畱守應天別遣兵襲破天完將趙普勝復池州也

正統元年八月追贈皇庶母惠妃何氏等十人蓋宣廟徇葬宮妃也初太祖崩宮人多從死者建文永樂時相繼憂恤若張鳳李衡趙福張弼汪賓諸家自錦衣衛所試百戶散騎帶刀舍人進千百戶帶俸世襲人謂之太祖朝天女戶歷成祖仁宣二宗亦皆用殉景帝以郕王薨猶用其制蓋當時王府皆然至宣宗始罷之

雍泰傳泰爲山西按察使太原知府尹珍塗遇不及避雍召至跪而數之珍有違言泰竟笞珍珍訴于朝又觀洪鍾劉宇傳則明時爲都御史者故笞御史

蕭鳴鳳督學廣東以憤撻肇慶府知府鄭瑋瑋慙

投劾去吳來爲山西左
參政杖死縣令十人

王翺傳吏部主事曹恂已遷江西參議遇疾復入都翺以聞
命以主事回籍恂怒入朝捽翺摑其面大聲詬厲按此事前
史於五行全著其事應當以入志

耿九疇傳天順四年布政使許資言侍郎出鎮與巡撫御史
不相統請改授憲職便乃轉右副都御史大臣鎮守巡撫皆
授都御史自九疇始

楊瓚爲鳳陽知府言民間子弟可造者多請增廣生員母限
額禮部采瓚言考取附學天下學校之有附學生由瓚議始

孫原
貞傳

呂原傳呂憲以中書舍人舉順天鄉試舍人得赴試自憲始

許天錫傳正德十二年建書坊火天錫請遣官臨視刊定經史有益之書其餘晚宋陳言一切舉業餽餉請毋鈐刻所司議從其言

崔志端由道士擢尚書見天錫傳按許相傳相言崔文以左道罔上崔文卽志端邪

樹按姚榮國以僧封爵陰始凝也

安然傳言太祖初設四輔官

范輅傳高帝定制王府屬縣稱官其後始稱臣餘文武及京官出使者稱官相見以便服

馬森傳贊龐尚鵬行一條鞭法又葛守禮傳論一條鞭一串鈴之弊

王彰鄭人巡撫河南終明世大臣得撫鄉土者彰一人而已

鄭三俊傳萬歷間蕪湖始設關止歲徵稅六七萬泰昌時已
停崇禎時度支益黜解學龍請增天下關稅南宣課司亦增
二萬三俊以爲病民請減其半以其半徵之蕪湖坐賈戶部
遂派蕪湖二萬復設關徵商

實錄洪武二年十一月封京都及天下城隍神京都爲承天

鑒國司民昇福明靈王其在北京開封府者

時以開封府爲北京

爲承

天鑒國司民顯聖王臨濠府爲承天鑒國司民貞祐王太平

爲英烈王和州爲靈護王滁州爲靈祐王五府州皆正一品

餘在各府州縣者府爲鑒察司民城隍威靈公秩正二品州

鑒察司民城隍靈佑侯秩三品縣爲鑒察司民城隍顯佑伯

秩四品其章服京都城隍袞冕十有二章開封等五府封王

及各府封公者九旒九章各州縣封侯伯者七旒七章

三年六月詔定嶽鎮海瀆城隍號稱某府某州某縣城隍之

神東樹按檀弓多言物始以上諸條先生但籤記而無案語當本此意故類而存之

永樂四年三月丙辰進士陳紀等還鄉陛辭上諭之曰云云

按陳紀等二百三人賜勅獎厲還鄉進學待用乃今之歸班

進士也而當時有陛辭之禮

東樹按後漢書獻紀初平四年試儒生四十餘人上第賜位郎

中次太子舍人注引劉艾獻紀長安謠曰頭白皓然食不充糧裹衣裹裳當還故鄉聖主愍念悉用補郎舍是布衣被服

黃玄

永樂四年二月己卯唐府長史程濟典簿魏居敬犯夜禁司

馬請送法司特命宥之此又一程濟耶

樹按後錢氏養新錄亦載之

明史藁俞鑑字元吉桐城人以進士授兵部職方司主事英

宗北狩郎中胡寧當從以病求代。鑑慷慨許諾。或曰家遠子幼。奈何。鑑曰爲國臣子。敢計身家。尚書鄭埜知其賢。數與計事。鑑曰。惟力勸班師可耳。時不能用。遂從而死。見王佐傳。按俞正統七年壬戌進士。乃桐廬人。明史藁誤。

鹿善繼傳善繼父名正。其稱太公者。家傳墓誌之文。今明史亦稱太公。未及改正。

援鶉堂筆記卷第二十五

傳記 逸周書

晁公武曰汲冢書十卷蓋晉太康中汲郡與穆天子傳同得

晉孔晁注

案孔晁見傳玄傳

蓋孔子刪采之餘凡七十篇範案束哲

傳汲冢篇目無此因疑此逸周書非汲冢書也揚用修已辨

之

東樹案用修所辨亦本於李巽岩及元四明黃玠但說益加詳耳而其言曰晁氏公武陳氏振孫洪氏适高氏似

黃氏震李氏燾吳氏澄周氏洪謨號通知今古者皆未暇深

攷其言故自夸詡又巽岩之後黃玠之前有東徐丁黼跋嘉

嘉定十五年夏四月皆在用修之前近嘉善謝墉校辨視廣

益詳則後起者易爲力也謹案逸周書向無善本最稱難讀

盧抱經學士聚二十家本總校精刻在乾隆丙午歲月遠在

先生之後先生此所校止据沈果堂惠定宇二家於盧所据

雖取二十家內元明八家本亦均未及固不若盧本精博特盧本

傳惠氏原校以備參攷又先生所自校語不可辨大約不標某案皆惠氏校也

目錄有月令今無其篇範按論語鑽燧改火馬融曰周書月

令有更火之文正義其辭今亡案邢昺疏本之皇侃此正義

所云不知邢氏之語抑仍皇氏也則月令未審何時亡

校本序稱周書箕子月令即洪範呂覽所傳之文抱經堂本

據牛宏傳據蔡邕王肅說以為今禮記月令即周書內第五

十五篇之月令因鈔取以補之按鄭康成議賈逵馬融

為俗人請周公作月令未通於古則鄭意似不以為然

卷一 度訓 小得其所好則善 沈彤云嘉靖癸卯本作喜

云舊本作善今從沈改蓋盧本經文皆改正字也又按嘉靖

癸卯在楊用修壬午校後豈即姜士昌本耶又盧所列二十

家曰元劉廷幹本四明黃玠序明章藥程榮吳瑄卜世昌何

允中胡文煥鍾惺凡八家無丁黼姜士昌本殆不見也然則

嘉靖癸卯本不知於明為何執之 以可去其惡 沈云

本黃玠序丁黼跋今盧本俱載之 惠云于宋 文酌 頰祿質

惡 命訓 民祿則于善 本云于宋 文酌 頰祿質

三聚疑沮事 惠云聚說文作彙云眾盛也說文云今

周書彙誤聚宋刻亦然宋人不識字賴說文校正今宋本說文亦闕此字惟玉篇所載無闕二徐學問不廣故加闕字按今時翻刻宋本說文有此字注云眾盛也從木羸聲逸周書曰疑沮專闕所臻切尋徐氏注意謂逸周書闕此字也惠氏誤說二九柯十匠倉頡篇有柯屬急哉宋本重糴匡注六

徐矣

副宋本 供有嘉萊

嘉靖本萊

大荒有禱無祭

范甯

舍用振

穹

惠云穹空也義見韓詩宋本窮

卿參告糴

臧文仲曰國有饑饉卿出告糴古之制也

嫁娶

不以時

惠云荒政多昏

卷二

武稱

美男破老

二語國策引之按後大匡篇法人惟重老則老即老成人也

疾遲

初學記引

窮寇不格

宋本

大武

其謀乃難

惠校

小

明武

務寡無告

嘉靖本作矜

程典

奉勤於商

惠云勤商即詩所云翦商

也爾雅訓翦爲勤毛鄭皆誤解

明其伍侯

惠云侯左傳作候王肅曰五侯山候澤候林候川候平地候也

於安思危

左傳魏絳引之

注必有忍乃有濟也

惠云此當是正文

程寤篇闕御覽引曰文王去商在程正月既生魄太姒夢見

商之庭產棘小子發取周庭之梓樹於闕閒化爲松柏棫柞

寤驚以告文王文王曰樹按盧本乃召發於明堂王及太子發並

拜吉夢受商之大命於皇天上帝見三百九十七五百三十

二藝文類聚所引小異

卷三 鄴保 三信螭萌莫能安宅惠云周禮占夢舍萌於四方眠祲掌安宅敘降

瀆不可復戒沈云瀆當作瀆復戒復人四字 大開 四無競維

義惠云義當訓儀 小開惠云小開亦作呂 謀有共射如乃而舍

人之好惠云如讀曰若而讀 大人积維公公积維卿馮衍傳引

樹按盧校文異 文傳 文王授命詩正義作受 時維暮春詩正義作維暮之春

在鄙太子發曰御覽八十四引鄙下有召曰下有嗚呼我身老矣六字 所保所守

守之哉厚德廣惠忠信愛人

所守上有與我二字下無守之哉句有傳之子孫吾厚德而廣

惠而老愛術人字記檢御覽樹按盧校得之

不驕不卵以成鳥獸之長

說文引不

翼者纒獸足也

土廣無守可襲伐土狹無食可圍竭

論引

土多人少莫出其材是謂虛土可襲

夏箴

御覽三十五引此作夏歸藏文

選三十六卷作夏箴

戒之哉

宋本及御覽二十五卷引戒上有國無兼年之食遇天饑百姓非其有也

注通計五年之計

沈云計

小開武

口知道極

嘉靖本

一維天九星

文選注引王曰余不知九星之光周公曰星辰日月四時歲是謂九星惠云九星即左傳九物

注口爲法也

方空乃

寶典

注實少而曰多實改寶曰

樹按盧作名多則實字不誤

展允干信

惠云外傳云展而不信韋昭云展誠也誠謂復言非忠信之道

鄧謀

謀言告聞

謀宋本作講非

寤敬

以三不足戒

三宋本

無虎傅翼將飛入宮

韓非引作邑善注文選亦作邑

武順

天道尙右

沈改

左地道尙左沈改左右手口口五嘉靖本五五口十

五玉海作二一足居後曰敦說文云敦怒也一日誰何也從支聲三伯一長

曰佐三佐一長曰右玉海一長三伯一長曰右佐必口沈云均

佐和沈云和均右肅沈云肅均右肅沈云肅

卷四和寤至于鮮原汲冢古文帝辛五十二年秋周師次于鮮原克殷

適二女之所乃從御覽乃大匡勇知害上知惠仲瑞改

大匡辣攝宋作大聚舍其委其嘉靖市有五均惠云

獻王所傳樂元語其道五均事云天子取諸侯之土以立五均則市無二價四民常均強者不得困弱者不得要貧則

公家有餘恩興彈相庸惠云漢時尙注根衍田茅比長

及小民矣宋本田作揖其民力惠云揖死無傳戶南古

之職也日也作暹南子曰鬱而無轉高誘曰竹讀作傳

世俘一 至接於商

惠讀 王遂禦循自祀文王說文禦祀也樹按盧校曰 薦

為捷 倅殷王鼎通鑑前編作薦殷倅 倅艾佚侯前編作艾 馘

魔洪邁本 衣先馘入按注衣當作表 璫身厚以自焚史

記正義引作五環記檢御覽七 天智玉五在火中不鏽惠

尚書越玉

卷五 商誓 上曰霍王上改 度邑 王乃升汾之阜汾改

按盧日 兌天對改充天之對樹按盧曰李善注王元長曲

自口至於丘中口作鹿俱 亦不賓成疑賓威隨巢子曰天

盧校亦 志我其惡史記作悉求夫樹按盧校 倅從殷王

從惠定 今用建庶建下建字

紂俾疑作專古貶字從史記按先生 其曰茲曰度邑上海作名 五權 物庶則爵乃

不和乃改舞樹按盧校云惠於乃字旁校云宋作舞趙疑物

書庶草繁雜是也無字當作雒注東謂衛口鄘口當按

重文文昭案和字亦必誤九年夏六月前編元年樹按盧云趙改

虛本作衛殷都鄘曦明敬夫凡所征熊盈簇簇改鄧方七百里前編作十

校本也七十二里博物志七十二里惠引左傳上大夫受縣下大夫

受郡樹按盧本百改十云沈改七為六不知何據餘同無傳

封人社壇諸侯受命於周公羊疏引建大社於周中周改

暨以黃土暨從御覽改雷以為土封改以土故曰受則土於周

室惠曰周禮大宗伯五命賜則樹按盧採駁惠說甚詳咸有四阿反玷注反玷外尙

室也反玷外尙室未審與禮記注及說文皇門惠云按汲

王元年庚午周公建沈入非不用明刑沈按依注入作人

諸諸侯於皇門

非改

注勢曰顯仕臣

用周不茂在王庭

用宋本

亂是

羞於王亂改辭

注利為遠蓋遠改

是授司事於正長授

授是陽是繩口

改曰字樹按

眾略常扶略改

大戒說

引此篇朕實不明以

注輕重所立重改

注止客端則端

也則改常樹

眾乃不懼眾改小盧校惠

茲惟重告爾茲

子

卷六 周月

陰慘前編陰下有降字

周正歲道沈改

數起於

時玉海無

凡四時成歲有有改

十有二月中氣從善注增二字

春三月以下

御覽所引

以紀於政玉海

時訓御覽魚

上為經風不解凍以下為時訓雨水以下同按漢始以雨水為正月節驚蟄為二月節清明在穀雨前穀雨在清明後周時安得即更其序

桃始不華始改若樹按

臣不口主御

覽改即下
不從上
寇戎數起婦人不振御覽上皆諸侯口民後

書注補失
字御覽同
不始電君無威震御覽作電若不虹不見婦

人苞亂御覽作亂色嬖奪后御覽作臣困於百姓困改賢

人潛伏賢改國無寬教御覽作即蟋蟀不居壁急迫之

暴御覽作若不居不備戎盜御覽即寇物不應罰御覽

應之御覽作若國無恩澤御覽即恩民多邪病御覽作邪人皆力

爭御覽作遠人皆畔御覽皆羣鳥不養羞御覽行雷

不始收聲御覽行諸侯淫泆御覽作蟄蟲不培戶御覽

閉蟄蟲不咸俯皆作附御覽宋本甲蟲為害御覽甲鶚鳥不

鳴御覽作鶚宋本口口御覽作國口口御覽作將

荔挺不生御覽生國不甯御覽國下國大水御覽下

征鳥厲疾

宋本無疾字

諡法解

王伯厚曰周書諡法惟三月既生魄周公旦太師望相嗣王發既賦憲受臚於牧之野將葬乃制作諡法今所傳周書與六家諡法所載不同蓋今本闕誤

攻於牧野之中

前編建功於牧之野

終葬

終下有將字

乃制諡敘法

增遂

諡二字作遂敘諡法樹按盧本終將葬乃制諡遂敘諡法從前編

民無能名曰神

史正義

稱善口閒曰聖

正義口閒作賦簡注別字改賦

仁義所在

在改往

道德博

厚改

學勤

從前編改勤學

注多所窮也

也改極

注尊貴賢人

貴改

芘親之門

門改闕

尊長讓善

長前編改德正義改賢

純行不

二改

謀慮不威

謀慮改諫爭注威相字拒下增諫

賁輔供就曰齊

注改

資輔而
供成也

溫年好樂曰康

年改良樹按盧曰前編
作溫良課乃是豐年

中情見

貌注任曰路

改性
公露

曰傾

改
頃

注無所不

改疾
於所

昭德有勞

曰昭下

前編增容儀
恭美曰昭

聖文周達

文改
聞

供己

供改恭注改
恭己正身少

言而

清省

清改無樹按清改無則省改省盧云
舊作清省非正義注作無災罪也

注在位

平意

改不
任意

布義行剛曰景下

從前編增音意大
慮曰景音強也

不隱無

克

克改
屈

辟土服遠

改遠
服

曰桓下

前編增克敬勸民曰
桓辟土兼國曰桓

道悔前過曰思下

增柔質慈民曰惠
愛民好與曰惠

注以惠愛惠

注作德政也

作改
行

叡通

通改
圍

注通達使能服

屢征口伐曰莊

口殺
字

注以嚴口之

口改釐樹按盧云
前編作屢行征伐

慈義短折曰懷

義改
仁

曰翼注成功

成改
伐

曰肅注成其不

欲使爲就

改成其敬
使爲終

典禮不塞

塞改憲樹按盧云注舊
脫正義有無過二字

曰靈注立志不口改宏

曰靈注不口以治改從正義不能以治

損

曰靈注知其能聰徹改其智

曰靈注本任性改本性曰

靈注有鬼為厲

為上增不字樹按

曰靈注敬鬼神不能遠

能改致

隱拂拂改括

注言其隱拂改不以隱括

年中改中

曰悼注縱於心衍於字

曰悼注從處言口地也改險地改圯

曰

刺注忌其忘已忌改忘

復假遂禍禍改過

好樂荒政曰荒顏師

古引

注故怠政事衍故字增於字

在國連憂連改遭樹按盧云正義前編作遭非

注仍正

曰哀注改卑者改早

恭人改仁

蚤孤有位有改錫

曰魏

注有威而敏行改雖威不逆禮也

去禮遠眾曰煬注內好多淫外

則荒政

改不率禮不親喪樹按盧本喪作長

曰煬下又添好內怠政曰煬範按

好內多淫注當在此下樹按又添者謂惠氏校所添也盧本又有好內遠禮曰煬注册淫於家不奉禮校云舊本去禮違

眾條下即接好內多淫外則荒政脫去兩條注好內作內好
正義少好內怠政一條今按此注為好內怠改正釋其為本
有可知左定元年正義引此條前醜心動懼曰甄醜改甄
編亦有之但少好內遠禮一條

曰圍注圍口也能口亂患也俱改治民克盡曰口改

勝敵壯志曰勇壯志改注不口勝改不撓故樹按盧校

盜五條相連按此曰譽注言直人稱改言立心能制義

曰庶庶改度樹按外內真復曰白真改注正而口終始

一也改復曰聲注知而不改改生於曰穰改荒從曰質

注不爽應也改不爽言相曰良注言人行可好可樂也改

其人可曰感改惑思慮深遠曰口改明又曰止改注

言以正口之也改服曰堅注明義以口前過改蓋華言無實

曰口改夸注口口口口口改恢認盧日曰煬改抗注所尊

天而逆天

改背尊大而逆之樹按盧校從正義似說

曰節注自節以情欲也

改自

其情

曰匡注心正而明察也

改而用察少

隱哀之也

哀之下增

方景武之方五字盧校曰從前

除爲武也

爲改亂盧曰前編作亂正義作

義今從

視遠爲恆

視改服恆改桓

剛克爲廢

日蘇明允作伐改發正義作僖盧

履亡

改正

惠而內德

而改無

治而生管

生改無

口志口轉以

其明餘皆象也

改失無

懣過也

改憲

式法也

式改武

明堂

君天下弭亂

下從玉海增周公將致政成王朝諸侯於明堂十三字

負斧屨南面立

衍西

率公卿士

率改羣

東面南上

南改北

九口之國

改采

宗周

上增此字

而明

明改朝

周書明堂曰明堂方百一十二丈

高四尺博六尺三寸室居內方百尺室中方六十尺戶高八

尺博四尺東應門南庫門西舉門北雉門東方曰青陽南方

曰明堂西方曰總章北方曰元堂中央曰太廟見御覽五百

三十三 左爲左个右爲右个

御覽隋書宇文愷傳同樹按此二句本在太廟句下盧本

輯撰校安下引陳雷据徐鉉解个介字甚詳

嘗麥

御覽八百三十八卷引曰王初禘禘於岱宗乃嘗麥於廟

命蚩尤宇於少昊

路史作小獺

紀於太帝

帝從路史改帝

乃命少

昊

請請改清

用大成

戒成改

本典

故問伯父

敬改

卷七

官人

其所不定者

足定改

父子之閒

下增觀其孝慈兄弟之閒

觀其方

方上增義

口之以觀其重

怒

寬以悌

悌改柔

直而不

止

止改傷

多稽而險貌

險險通記檢大戴按盧校大戴作儉

王會

摺挺注

挺笏也

笏改似

立於堂上注近天子後故其冕謂

減後其謂三字

榮氏次之

從玉海增珪瓚次之

堂下之東面注

號下增叔

內董注

成王弟下

從玉海增曹叔武王弟皆國名爲諸侯二舅成王之舅姜兄弟也

乘亦青

亦改六

受贄者

八人注受寶幣土也

改土也

黑嶽

改

碧基

改壁

四方

元繚注

鋒疾疾改銳方所乙倒

交閭注

稱交交

嶽

改駝從玉海

在子

口

幣改解隄寇

發人鹿

鹿鹿王海作鹿鹿人鹿人若鹿云云樹按當作鹿

俞人

雖馬注舊駕口角大者曰麟

減舊駕二字作麟如馬一角不角者曰麟減大麟也三字

乘黃者似麒麟皆有兩角

麟改狐皆改背東越海蛤

歐人注北

交州

北改若人

若改皆西嚮

皆下增注似塵以下至

此西嚮也

似改自上增面

尊耳

兩尊並改

尾長三尺其身

減長三尺

其四字改

閭以隄寇

似改

珥旄

珥改

十盧以牛牛者

牛之小者也

改卜盧以純牛純牛者從善注及徐堅

注十盧合盧水是

十改卜合

改規矩以麟者獸也

改規矩以麟麟者仁獸也

注規矩亦戎也生尾

一角鳥蹄

矩改規生改

丘羌

改氏羌下增以

注丘

並改氏

方

揚改

文翰注翼州

改

方人注相匹也

改配

閩采

改閩

注采生火中黑面光

采改木火改

康民以桴

宋作

州靡

下增

技踵

改反

吐唼

改土

注增州靡北狄也

都郭

生生注

改都郭北狄

賺羊注

高麗句

孤竹注

狄改

東

胡黃罷

注東胡東北西卑樹按今本脫無此注竊疑西卑即夷字反切即鮮卑西同音

山戎菽

注戎菽荳藥也

改昔

茲白注

茲白牛野獸

犬戎文馬而

赤鬣

文馬重二字

名古黃之乘

以說文

匈戎

戎改

權扶

三自注權扶南蠻也形甚小

三改玉注玉之有光明者形甚小也樹按疑即今世所謂貓兒

眼是

其革若于

革改華

注與白民接也

下從宋本增水

中出此珍

鍾牛

下增沈

注似牛形也

下增美遠

南人

至眾

改致

敲

改敲從

注劍

改

卷八 祭公 丕維周之口口口口改開基樹按盧 始并惠云

并讀屏并屏古字通山海經 汝無以嬖御固莊后惠云

公之顯命据此當 汝無以戾口罪疾口改 史記 朔望

以聞注月己日望改月且 昔平州之功從善注功 諂臣

曰賞從善注 有巢以亡注東政改秉 上下不臨注君所

在在改 職方 男服下從文選增又其外

卷九 太子晉 天下施關委積 樹名與物天道與改

上增 師曠馨然改 躅其足改 賜之乘車四馬注此賜

則自王白自改 以是御之注塵塵改庶庶 何汝賤我賤改

自太師以下師改 口將及汝從潛夫 周祝 獮有蚤改

瓜有 有滄熱列子曰初出滄滄涼涼說文滄寒 萬物之所

及也

改反

卷十 武紀

困達之謀

宋本作謀 謀古字通

器服

參冠

冠玉

筮

一筮

玉海作筮

纓象口口

玉海增其續

他典籍有引周書者其文多爲今本所不見輯附於後

管子 十五卷引周書未錄

墨子 國無三年之食者國非其國也家無二年之食者子

非其子也

韓非子 下言而上用者惑也 將欲敗之必姑輔之將欲

取之必姑與之

呂覽 往者不可及來者不可待賢明其世謂之天子 若

臨深淵若履薄冰

民善之則畜也

畜好也

不善之則讎也

淮南子 上言者下用也下言者上用也 掩雉不得更順其風

史記 楚世家欲起無先 蒙恬傳必參而伍之 蕭何傳 天子不取反受其咎

說苑 前車覆後車戒

漢書 主父偃傳安危在出令存亡在所 王商傳以左道事君者誅

列女傳 先君而後臣先父母而後兄弟先兄弟而後交友先交友而後妻子妻子私愛也事君公義也

山海經注 天狗所止地盡傾餘光燭天爲流星

藝文類聚 文王在翟太姒夢商庭生棘小子發取周庭之

梓樹樹之於闕閒化松柏棫柞驚以告文王召發於明堂拜
吉夢受商大命 太公曰智與眾同非人師也

初學記 年不登甲則纓滕宮室不容注云纓繩甲不束柝以組廿二

汲口口口云武王親禽受於南單之臺注黃帝始烹穀為

粥 凡禾麥居東方黍居南方稻居中央粟居西方菽居北

方

文選注 蒲且子見雙鳥遇之其不被弋者亦下 君憂臣

勞主辱臣死 太公曰同惡相助同善相趨見六韜 武王將

渡河中流白魚入於王舟王俯取出洩以祭不謀同辭不期

同時一朝會武王於郊下者八百諸侯三十 美為土者飛

鳥歸之蔽於天魚龜歸之沸於淵四十 禹濶七十川大利

天下玉
海

御覽 文王昌曰吾聞之無變古無易常無陰謀無擅制無
更創爲此則不祥太公曰夫天下非常一人之天下也天下
之國非常一人之國也莫常有之惟有道取之古之王者未
使民民化未賞民民勸不知怒不知喜愉愉然如赤子此古
善爲政也四八十 文王獨坐屏去左右深念遠慮召太公望
曰帝王猛暴無文強梁好武侵虐諸侯苦勞天下百姓之怨
心生矣其灾予矣奚行而得免於無道乎太公曰因其所爲
且興其化上知天道中知人事下知地理乃可以有國焉同上
古有虎賁士千人以牛投牛以馬投馬以車捧車三百四十一
年饑上用與曲輈不捺矛戟縷纏羽旄不擇鳥三百五十二 容

容熙熙皆爲利謀熙熙攘攘皆爲利往

四百四十九

太公望忽

然曰不癡不狂其名不彰不癡不能成事

四百三十九

成

王將加元服周公使□□□取文竹爲冠

六百八十四 武王

不閉外門以示無懼去劔撻笏以示無仇

六百九十二

神農之

時天雨粟神農耕而種之作陶冶斤斧破木爲耜鉏耨以墾

艸莽然後五穀以助果蓏之實

八百四十

於越獻舟

同上

藪澤

已竭卽蓮掘藕

同上

越絕書

此篇不知何人所著楊用修嘗據其序外傳記以字之離合推之謂其人係袁康吳平也又據論衡謂袁當是袁太伯袁文術也吳則吳君高也範按論衡稱袁太伯有易章句文術

有咸銘君高有越紐錄越紐卽越絕矣但云二袁臨淮人此云死葬其疆則與君高同會稽人矣敘記又云略以事類俟告後人文屬辭定自於邦賢然則此書創者袁康而成者吳平也胡元瑞筆叢亦云蓋袁康先述此書於東漢初而吳平者復爲之述文定辭於東漢之季故曰百歲一賢猶爲比肩也余謂胡此說非吳果係君高則已見論衡仲壬正東漢之初非季也胡又云袁非越人或更始閒戕於越地因而葬此故曰葬於其疆東樹按本事篇一則曰吳越賢者所作也再則曰或以爲子貢所作又曰蓋是子胥所作也又曰嫌於求譽是以不著姓名直斥以爲身者也後人述而說之乃稍成中外篇焉又曰外者非一人所作頗相覆載又曰明說者不揣故刪定覆重以爲中外篇末敘外傳記又云維子胥之述吳越也因事類以曉後世句踐以來至於更始之元五百餘年百歲一賢猶爲比肩記陳厥說略有其人以去爲姓云云雖情恍其辭然言重語複明是先有記傳至

是康始爲之述未成而死於兵寇君高復爲之終其事焉前
後尋釋甚明君高自稱邦賢則康固越人可知胡氏之疑非
也意康之爲人亦懷子胥之忠而不得志者故借子胥事以自寫其中忠憤者耶

史記越世家正義引文種爲宛令一段今本無之蓋非完書

矣

外傳本事末云刪定復重以爲中外篇則非本書之舊又當
中外篇編次判別不如今之閒次不倫也讀後德序外傳記

太伯第一

今亡非今吳地記

荆平王第二吳越第三

今亡或即計倪第四請

糴第五九術第六兵法第七

今亡或即

陳恆第八德敘第九

東樹按盧抱經題越絕後云越絕外傳本事第一越絕荆平
王第二越絕外傳記吳地第三而卒本吳太伯爲問其末篇
又云始於太伯次荆平次吳人次計倪次請糴次九術次兵
法終於陳恆是皆以太伯爲第一案吳地首稱太伯當卽此
篇今本次在第三其下次序皆又云經百八章上下相明疑
不相應豈爲後人所貿亂與

夏啓善犧於益是其遺文今不傳按所云經不知何書外傳記次第亦同但所云吳人疑卽德序外傳記所言吳越也今之吳內傳似非外傳記不言德序又云外篇各有差叙師不說然則本書舊有次第而經傳內外各殊今本掇拾於殘佚之餘其訛佚不可攷也德序篇亦亡今德序外傳記疑非也其所引傳曰桓公迫於外或亡篇中語耳蓋多訛脫不可讀無別本可校

此書多屬耳食又加以委巷流俗之談虛言虛事潤飾無當於故實者也其中敘事猥鄙與後世稗官所述不殊又著書者似治公羊學未自左氏傳

書凡十五卷按隋唐志俱云十六卷

卷二外傳記吳地傳伍子胥城一節引闔婁平蛇四門按王濟之姑蘇志云越絕書作闔婁平蛇巫胥齊匠具八門之數時與搖城王周宋君戰於語招殺周宋君母頭騎歸至武里死時與疑在搖城王下毋無古字通

更始五年太守李君治東倉爲屬縣屋不成按更始無五年後言六年亦譌

楚考烈王并越於瑯琊後四十餘年秦并楚復四十年漢并秦到今二百四十二年句踐徙瑯琊到建武二十八年凡五百六十七年範按以秦亡之年乙未到建武十二年丙申二百四十二年若以高帝卽位汜水之年則己亥至建武十七年辛丑二百四十二年然下云二十八年則所云今不應爲

二十七年之年也

樹按據後敘外傳記年加申酉懷道而終則袁康之歿當在甲申乙酉更始元年建

武元年間也若建武十二三年丙申丁酉則更始之亡久矣此所記乃君高語也

卷三吳內傳天道盈而不溢一節似有范蠡舊說而文解之

見越語

吳人敗於就李以下似爲舊文釋義

越王句踐反國六年一節語皆未詳疑當時越人之爲度詞畏吳人之知也本書或載其事與言故此釋之今譌脫不可攷耳大約今本非完書也

卷四計倪內經按其中議論或有出於計倪策畫後人緣飾而成此篇也

卷六外傳紀策攷按此乃雜記事語皆未成篇

卷七外傳記范伯易曰有高世之材必有負俗之累按所引之易不知何書

卷九外傳計倪師事越公錄其述印天之兆按子胥與公孫聖同師越公耶

卷十五敘外傳記首章之說多本緯書文句亦相似故聖人沒而微言絕以下亦爲公羊學者之說也

維子胥之述吳越也云云意當時別有相傳子胥所述吳越之書後人謬以越絕當之誤矣前漢藝文志有伍子胥八篇余疑子胥未必有書八篇疑亦後人託之而是書所云子胥述吳越亦此類也胡元瑞云或者舊有是書述吳越雜事而後人溫其故典而陽敘之以傳於世

吳越春秋

吳越春秋漢趙晁撰按晉書楊方爲高梁太守在郡積年著五經鈞沈更著吳越春秋惜其書不傳未詳更撰之旨唐志名吳越春秋削煩則方就長君之書芟定耳

卷三 夫差內傳太子友曰適於後園聞秋螭之聲云云此襲舊語緣飾之大抵述吳越事者多憑之臆撰非事實也

漢武帝內傳

卷後題東觀臣姓名云云按西京乃有東觀邸

天祿閣外史

此明嘉隆間崑山王秀才逢年妄撰託之於黃憲者也逢年子舜華前有總評載晉唐人評語一皆王生自撰詭誕不

如此